



Primeira volta no Salvador

Descrição



A perda da capital en favor da oposición abre unha interrogante decisiva sobre o resultado das eleccións presidenciais que se celebrarán o próximo 15 de marzo. Ata entón, as espadas seguirán en alto e o candidato do FMLN, o xornalista Mauricio Funes (na foto), vivirá coa alma en vilo ata ver colmadas as esperanzas de lograr por primeira vez a presidencia do país.

A antiga guerrilla gañou as eleccións lexislativas e municipais celebradas a pasada semana no Salvador. As enquisas da Universidade Centroamericana vaticinaban unha vitoria ampla, aínda que finalmente resultou ser pola mínima. A perda da capital en favor da oposición abre unha interrogante decisiva sobre o resultado das eleccións presidenciais que se celebrarán o próximo 15 de marzo. Ata entón, as espadas seguirán en alto e o candidato do FMLN, o xornalista Mauricio Funes, vivirá coa alma en vilo ata ver colmadas as esperanzas de lograr por primeira vez a presidencia do país.

Todo o presente ano 2009 será dunha intensa actividade electoral e política en América Latina, con seis comicios presidenciais, dous referendos e tres eleccións lexislativas. Os plebiscitos de Venezuela e Bolivia, que se levarán a cabo case de inmediato, constitúen probas severas para a pervivencia do experimento bolivariano e o futuro político de figuras como Chávez ou Evo Morales. En Ecuador, todo apunta a que Correa será reelixido (en abril) despois de obter un importante respaldo ao seu proxecto constitucional. Pero tamén pasarán exame outras opcións menos ideoloxizadas e máis moderadas como o kirchnerismo (en outubro), e en Uruguai e Chile, no primeiro caso presidenciais (en outubro) e no segundo coincidindo tamén coas lexislativas (en decembro). Tabaré, en Montevideo, confía en pasar o testemuño a José “Pepe” Mujica, pero o empresario Sebastián Piñera podería acabar con vinte anos de gobernos de concertación en Chile.

O resultado do Salvador pode confirmar que a esperanza progresista segue viva en América Latina e mesmo que prosegue a súa expansión por Centroamérica (con outro reto en maio nas presidenciais de Panamá), ou, pola contra, alertar sobre o comezo doutro ciclo de alternancia política marcado polo lento regreso dos vellos poderes ante a pronta retirada dos líderes que alentaron a chegada desa xeración que marcou a entrada de América Latina, con voz propia, no século XXI.

[Acceso ao artigo orixinal no repositorio web 1998-2012](#)

APARTADOSTEMATICOXEOGRAFICOS

Nacionalismos ARQUIVO

IDIOMA

Galego

Data de creación

Janeiro 25, 2009

Metacampos

Autoria : 3717

Datapublicacion : 2009-01-25 00:00:00